

Serie A N.º 1176077

SESIÓN EXTRAORDINARIA DO CONCELLO PLENO
12/NOVEMBRO/2001

SUMARIO

- 1.- ASUNTO ÚNICO.- ESCRITO DOS REPRESENTANTES DO ALUMNADO DO CONSELLO ESCOLAR DO IES MENDIÑO DE REDONDELA SOBRE "LEI ORGÁNICA DE UNIVERSIDADE".

Na Casa do Concello de Redondela, sendo as vinte horas e cinco minutos do día **doce de novembro do ano dous mil un**, baixo a Presidencia do Sr. Alcalde-Presidente, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. CARLOS GONZÁLEZ FERNÁNDEZ, DONA M^a DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE, DONA ÁNXELES GONZÁLEZ GÓMEZ, actuando como Secretario o Secretario Xeral acumulado D. JOSE RIESGO BOLUDA, constitúese o Pleno Pleno do Concello, en sesión ordinaria, conforme á convocatoria e de acordo coa Orde do día.

Incidencias: Excusaron a súa ausencia D. EMILIO GONZÁLEZ IGLESIAS, D. MANUEL IGLESIAS CARRERA e D. PABLO REBANAL ALFAYA.

A Presidencia declara aberta a sesión en primeira convocatoria, procedéndose a tratar os puntos da Orde do Día.

Incidencia: Con anterioridade o comenzo da sesión unha representante do alumnado do Consello Escolar deu lectura a un escrito relacionado co asunto a tratar.

1.-ASUNTO ÚNICO.- ESCRITO DOS REPRESENTANTES DO ALUMNADO DO CONSELLO ESCOLAR DO IES MENDIÑO DE REDONDELA SOBRE "LEI ORGÁNICA DE UNIVERSIDADE".

ANTECEDENTES:

No expediente consta escrito asinado por dous representantes do Alumnado do Consello Escolar do IES Mendiño de Redondela que transcrito literalmente dí:

"DIEGO ALONSO MARTÍNEZ e JUDITH MARÍA BASTOS GÓMEZ, representantes do Alumnado do Consello Escolar de IES Mendiño de Redondela expoñen

Que neste curso enfretámonos ó ataque máis importante que sofre a ensinanza dende a dictadura. O PP quere aprobar XA a "Lei de Calidade", que afectará a todo o



EL NUMERADO
CORPORACIONES
LOCAIS

ensino. Os estudantes non podemos estar contentes, o goberno do PP ameaza a educación pública. Mentres se gastan 535.000 millóns de ptas en construír un novo avión de combate, ou perdoan miles de millóns de impostos ós máis ricos. Dican que non hai cartos para subvencionar medicamentos, para pagar ós parados ou para mellorar os nosos institutos e facultades. O PP goberna para os ricos, a única "España que va bien" é a dos empresarios.

Coa "Lei de Calidade" pretenden crear un examen de "revalida" do que terían que examinarse os estudantes despois de aprobar 2º de Bachelelato para obter o título. Neste examen entrarían as asignaturas de 1º e 2º. Unha vez aprobado, habería que realizar as probas de acceso á universidade, que dependerán de cada facultade. O obxectivo é claro: dificultar o acceso drasticamente á universidade para os fillos dos traballadores, pois os fillos dos ricos sempre poderán pagarse o millón de pesetas que custa a privada, na que a única proba de acceso é o talonario. O obxectivo derradeiro de todas estas reformas é o diminuír o gasto público na universidade.

Por todo o exposto:

Solicitamos que o pleno do Concello de Redondela apoie

- 1.- Unha educación pública de calidade que inclúa a non aprobación da revalida e da proba de acceso para acceder a Universidade.
- 2.- Non a separación dos estudantes en función do seu rendemento escolar.
- 3.- Máis representación do alumnado no Consello Escolar.
- 4.- Creación e máis prazas nas Universidades.
- 5.- Máis orzamento para becas e libros de texto gratuitos.
- 6.- Defensa dun ensino laico, que elimine a relixión dos centros de ensino.
- 7.- Modificación da actual Carta de Dereitos e Deberes para recoñecer o dereito a folga dos/as estudantes."

INTERVENCIONES:

Neste intre incorpórase á sesión a D^a. ANXELES GONZÁLEZ GÓMEZ.

Sr. Conde Romero: Agora se nos presenta outra cuestión. O escrito non ten nada que ver coa Lei que indica o punto da Orde do día. ¿Que se debate?. ¿Trátase dun erro de transcripción?. ¿É legal ou non é legal?.

Sr. Grande Grande: O tema do debate é o escrito, nos o apoiamos e estamos de acordo con él. O BNG defende todos os puntos e os defende. Eles son os protagonistas, estánse a mobilizar.

Serie A N.º 1176078

Sr. Conde Romero: Non vou a falar da LOU, si do escrito dos representantes do Instituto Mendiño. Esta fora de lugar. Fala dunha Lei que inda non existe nin o borrador, outra cousa é a LOU. Nos vamos a votar sobre algo que non existe. Fálase e oídas pero non somos adiviños non podemos falar de algo que descoñecemos. O escrito fai especulacións faltando ó respecto o PP e os cidadáns que votaron a este Partido. Estou casi convencido que os alumnos foron manipulados. Os mestres non deben utilizar estes métodos, máxime cando non hai coñecemento algún.

Sr. Núñez Salgado: Vamos a votar sobre o escrito presentado, iso está claro. Vde quere escapar da súa responsabilidade ¿Falta de respecto?. Son peticións do alumnado e non están faltando a ninguén. Vd. está poñendo en dúbida a capacidade deste rapaces dicindo que están manipulados. Ademais leron un escrito nada máis. Aquí había un consenso, un consenso no ensino pero agora volvemos os exames de reválida algo co que non estamos de acordo.

Sr. Pazos Docampo: os alumnos ten catorce, quince e dezaseis anos e idade. Vd. di que a esas persoas as manipularon. Iso é ofensivo. Isto recorda os peores anos da dictadura. Ademais puxo en dúbida a súa capacidade intelectual. A Intervención dos representantes introduciu o tema da LOU. Esa Lei é un paso atrás importantes deste goberno do PP. Todas as Universidades están de acordo por primeira vez en dicir que esa Lei non solucione os seus problemas. É un ataque á autonomía das Universidades. Deixa con menos representación ó profesorado e case ningunha ó alumnado. Volvemos as categorías do profesorado. A nova lei regula polo miúdo todo o que se vai a facer nas Universidades, é un ataque o Estado das Autonomías, volvendo o estado Central Unitario.

Neste intre auséntase o D. ALEJANDRO BASTOS FERNÁNDEZ

Todos nos estamos de acordo en que é unha mala Lei non só o BNG esta en contra. Efectivamente a lei de Calidade é una norma distinta e unha promesa da Ministra. Esa Lei vai a afectar ó Ensino Secundario e vaise a tramitar por vía de urxencia. Os fillos dos ricos non lles afecta iran as Universidades Privadas. Non apoiamos a LOU, apoiamos o escrito.

Sr. Conde Romero: Agora non toca falar da LOU, cando queira o Alcalde que falemos da LOU, falaremos. O escrito destes alumnos é ofensivo por dicir que o PP goberna para os ricos. Repito que da Lei de calidade so non existe nin o borrador. O Pleno non ten razón para celebrarse.

Sr. Núñez Salgado: Vde non quere entrar en diálogo. Todos somos parte interesada. A LOU está en contra da Universidade, a Ministra quere volver os anos 70 ademais entendemos que é incompatible coas Autonomías. ¿Erro de transcripción na orde Día?. Que máis da aínda así pódese falar da LOU e recordarlles a Vdes que unha Lei desta clase debe ser dialogada e consensuada.

VOTACIÓN E ACORDO: O Pleno do Concello, en votación ordinaria e por maioría de votos, **con dez votos a favor** dos/as Sres/as Concelleiros/as: D. MANUEL JAVIER NÚÑEZ SALGADO, DONA M0 DEL PILAR MARTÍNEZ GONZÁLEZ, DONA M0 DEL CARMEN RODRÍGUEZ CUNHA, D. CARLOS GONZÁLEZ FERNÁNDEZ,



EL NUMERADO
CORPORACIONES
LOCAIS

DONA M^a. DEL CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE, DONA ÁNXELES GONZÁLEZ GÓMEZ, e o do Sr. Alcalde, e con **sete abstencións** dos Sres/as Concelleiros/as: D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, acorda:

Primeiro.- Prestar a súa aprobación o escrito presentado polos alumnos do IES Mendiño de Redondela, coa seguinte modificación no punto 5: Máis orzamento no Ensino Público para becas/bolsas de estudos. E libros de texto gratuitos.

Incidencia No momento da votación abandonaron o Salón de Sesións o Sr. Concelleiro Conde Romero e o Sr. Concelleiro Sánchez Santorio, O Sr. Alcalde manifestou que o asunto se aprobaba por unanimidade dado que os Sres. Concelleiros do Grupo Político municipal do PP non se pronunciaron en ningún sentido o que, o seu xuízo, equivalía a un pronunciamento positivo.

E, non habendo máis asuntos que tratar, pola Presidencia dase por rematada a presente sesión, sendo as vinteunha horas e cinco minutos da data fixada no encabezamento, en proba de todo o que, e estende a presente Acta, que se inscribiu dende o folio centosenta e nove do Papel Timbrado da Comunidade Autónoma da Xunta de Galicia, Serie A nº 1176077, ata a volta do folio centosetenta Serie A nº 1176078, de todo o que como Secretario do presente acto, dou fé.

O ALGALDE



O SECRETARIO

Asdo: Xaime Rei Barreiro

Asdo: José Riesgo Boluda